

百宋樓藏書志

兩宋樓藏書志卷八十一

存齋雜纂之六

歸安陸心源剛甫編

集部

別集類十五

筠谿文集二十四卷

舊抄本

**宋**連江李彌遜似之著

士大夫種學績文孰不欲流傳於後資稟有厚  
薄用力有淺深固不可誣然須器度過人則自  
應高勝有非勤苦之所能強進者此可與知者  
道爾筠溪先生以父兄之賢少有聲于太學一

夕廁有同舍投環於梁間公時年才十七八略  
無懼意亟解其繫臥而枕于股上視撫摩而噓  
呵之會有後至者怪而問焉徐語其故馳報齋  
中羣士競篝火而來相與抱持而歸竟全其生  
卽日名動京師弱冠遂爲大觀三年上舍第一  
人繼登科其才固足以得此天報亦昭昭矣公  
之器度絕人遠甚如許加以問學之懿其發爲  
文章顧豈淺見者所能及也政和間以南宮舍  
人使契丹擢左史用訐直貶宣和末知冀州獨  
能堅壁以抗虜暴靖康漕江東平叛卒之變入

紹興爲饒吉二州七年復立左螭尋掌書命雄  
深之文黼藻王度四方傳誦之論事封駁皆人  
所難又以力闢和議益與時忤遷戶選勾外補  
去國之際猶拳拳以立國待夷狄之大計爲言  
竟請祠以歸隱福之連江西山凡十六年不復  
有仕宦意哦詩自娛筆力愈偉居間憂世著議  
古數十篇雖汎論古事而皆關於當時利病深  
切著明有范太史唐鑑之遺風乃心王室惜乎  
用之之不盡也迨今將一甲子公之孫珏以郎  
曹典大藩今居江西憲臺方迎奉老親而當寇

攘驚危中竭力不少顧避琪以上舍魁決科克  
繼大門爲京口貳車皆有時名有以知公澤之  
未艾也二孫以鎬游從之厚出公遺文二十四  
卷求序鎬晚進何足以測識前輩所蘊以平日  
慕向之誠幸託名於不腐敢謹書之公諱彌遜  
字似之昂仲六人文字爲一門之盛兄尙書彌  
大弟太史彌正俱負重望筠谿則公自號云嘉  
定四年閏月初吉正奉大夫參知政事兼太子  
賓客樓鑰序

先大父慙事宣和蚤登兩省而以直節不容受

知思陵旣列貳卿而以權臣坐廢蓋平生立朝  
之 日常少山林之日常多自弱冠魁多士年  
三十旣位柱史流落中外出入纔期年五十始  
再爲史官歷詞掖版曹僅閱兩歲身已去國方  
宣政間近倖欲致有時名者出其門少屈身則  
立致顯要及紹興力爭和議當國者啗以兩地  
皆褰裳去若將浼焉所以白首邱園終老不悔  
夫先民之不朽者有行有言行事苟不盡見於  
時則斯文必亦有述于後大父旣抱忠藎鬱而  
不伸至於遺稿復湮沒無傳實痛諸心大父發

藻儒林卽以文鳴其所居官蓬省蘭臺史職詞垣皆著作之前後隱居數十年間寒牕窮櫝青燈華髮手不釋卷閱博浩渺所發益肆烟林雪嶠幅巾杖履趣深理到追軼風騷意寄高遠經淵史藪據古鑒今亂階治蹟貫穿敷陳忠誠洞見積其所述充篋溢笥大父捐館之日先君尙幼遺墨散失旋傳錄于親友家所輯文稿僅有二十四卷其間脫誤居多先君辛勤裒摭粗成全書將傳于後力所未逮珥繆承墜緒始克鉅梓大參攻媿先生旣光寵先世親染序文冠

于篇端矣其遺事之詳具見家傳惟大父有行而不盡用有言而不盡傳撫卷追念蓋有感焉嘉定辛未孟夏既望孫朝請大夫直寶謨閣江南西路提點刑獄公事兼本路勸農提舉河渠公事珏謹書

華陽集四十卷

舊抄本

**宋張綱撰**

洪邁序曰華陽集四十卷故參知政事資政殿學士章簡張公所著也始大觀政和間庠序宏盛彙四方儻造于京師公起殊方孤生持經術



騷奮聲高一時儒先仄足斂衽比三冠倫遂策  
崇政名爲第一天子當宸挹歎有旨賡用矣老  
蔡方顓國挽使聽已倡富貴有命之說連柱之  
且雅憎王黼爲邪弗忍議其面擢纔學館郎官  
坎壈過十稔澹然無嗟悔意獨玩心於內不肯  
頃刻輟爲文章每一落紙都人卽日傳播至汗  
漫棟宇建炎庚戌家鄉厄敵兵篋櫝貯藏六丁  
下取略盡煨燼所存僅逮百一旣檜相得志辭  
訖知名士惡子組織人言語買進梯禍公在脾  
睨中又爲之閣筆袖手秦亡公亦老故厯歲久

著錄不能多薨之明年嗣子戶部郎中堅銳薨  
拾論次台八百五十九篇將刊鑲垂世未克而  
沒後二十三年慈孫池州使金釜乃出捐家貲  
板實郡學適首得其書伏讀之大抵制詞嚴而  
得表疏拳拳主敬雖莫齒退休未嘗以一篇倩  
人代作而講筵故事十九章剴切明白如論仁  
宗得君人之道舜不窮其民光武開心見誠唐  
太宗察上封者之姦憲宗御下有術文宗不能  
正陳夷行唯阿之罪皆反復致志因事納忠非  
若等輩區區備課程而已池州以書索序顧晚

出遼絕欲謝不敢念昔者辱與戶部游而伯氏  
文惠公奉使淮東時築亭結樓於官舍公爲賦  
兩詩酒琰搖江波吞翠壁之句至今風味在口  
輒藉以自恕然甚慙公自稱曰華陽老人集用  
是以名紹熙二年三月十六日序

先君性耆學壯歲讀書至忘寢膳自肄業上庠  
以至官中都著述無虛日任館職最久與一時  
名公廣和尤富建炎己酉金師南渡犯浙東明  
年三月北歸所過焚剽無噍類先君方待浙憲  
闕居金壇倉邊挈家奔句曲之西館戴氏一夕

兵卒至家人僅以身免去未一里而烈焰屬天  
由是數十年手澤悉爲煨燼無餘迨戎馬息驚  
魂猶未定而秦丞相當國士大夫以文墨賈奇  
禍斥逐流放踵相躡于道先君念太夫人年益  
高無兼侍秦又挾微憾疑不附已常恐一旦貽  
親憂遂絕意辭翰嘗爲大理卿譚公哀辭有士  
應知己用人豈法家流之句旣出好事者口語  
籍籍幾爲所醞釀因此愈自晦屏去筆硯二十  
餘年或諉以文字之職一切力辭遇勝日袖手  
危坐命子孫讀古人佳製以寄幽賞秦相卒先

君蒙光堯壽聖皇帝擢登政府旋再辭祿以歸  
時年已七十六閑居又八年而卽世晚景多病  
頗近藥石雖時時歌詠太平然精勤刻苦不能  
如疇昔矣堅不孝遭大罰號慕之餘哀集遺文  
以類編次僅得外制二百二十二表疏九十八  
奏劄六十八故事十九講義十九啟八十四雜  
文七十六古律詩二百三十九樂府三十四釐  
爲四十卷以先君白號華陽老人目之曰華陽  
集集中有宣政靖康間所作詩文數十篇皆綴  
拾於殘編斷簡之末或親舊口所傳誦十不存

一二唯尙書解三十卷乃先君爲學官日所作  
講義訓諸生者閎士集而成書別本刊行嗚呼  
先君力學起家不幸遭兵火畏權臣故文章之  
傳後世者止於如此敢撫其實載集尾以俟立  
言君子爲之敘乾道三年九月朔孤子堅泣血  
書

先大父平時刻意辭章老且不倦不幸厄於建  
炎兵火而殘編斷簡得之煨燼之餘又不幸沮  
於秦丞相以深文鉗天下舌而片言隻字莫敢  
出諸口比及秦亡而大父已告老然遇佳時勝

賞猶時時技癢發於吟詠故身後哀集之文僅如是而止先叔寶文久欲鋟之木而志弗遂釜假守 浦之明年郡事稍閒因取所編復加訂正以成先叔之志云紹興改元冬十二月孫朝奉大夫權知池州軍州兼管內勸農營田事釜謹書

華陽集四十卷 明刊本

**宋張綱撰**

洪邁序 紹熙二年

張堅跋 乾道三年

張釜跋 紹興改元

苕溪集五十五卷目錄三卷 舊抄本 張月霄舊藏

**宋劉一止撰**

苕溪集五十五卷目錄三卷 舊抄本

**宋劉一止撰**

相山集三十卷 文瀾閣傳抄本

宋王之道撰

三餘集四卷 舊抄本

宋豐城黃彥平季岑著

大隱集十卷 文瀾閣傳抄本



宋李正民撰

志道集一卷

舊抄本

宋古吳顧禧景繁著

從伯父景繁公少任俠旣壯折節讀書於諸子  
百家方技卜蓍之書罔不披究爲文輒千萬言  
徹日夜無倦容聲名藉甚遠近於是里中同學  
者多忌公口舌攻搏難端叢起公獨以直道持  
乎其間無所依倚惟與鄞縣林庇民保高安譚  
子欽惟寅交最善主兩先生家數年而忌者愈  
謀所以中之指作周世宗宮詞爲孽禍幾不解

會以遺逸薦得白歸乃具杯酒釋奠盡焚生平  
所著述凡百餘卷無復隻字存者病革之日惟  
枕書長嘯略屬後事數端而已嗚呼公讀書一  
生而潦倒困苦以布衣歿而一時同學蔑不通  
籍貴顯子孫豪富甲閭巷蒼蒼報施又不知於  
詩書文字果何如也嗣弟宏開不忍先人手澤  
泯沒從江浙提刑轉運任公處抄得遺稿若干  
首顏曰志道集蓋本魯論隱居行義之意我伯  
父洵當之而無愧矣予少侍伯父稔知顛末因  
援筆述之後之君子庶鑒而詳採焉至元壬辰

春月泉州石井書院山長福州路教授姪長卿  
子元氏拜書

案顧禧字景繁吳郡人父彥誠靖康初仕兩浙  
轉運禧居光福山閉戶誦讀不求仕進紹興間  
郡以遺逸薦不起後築室邨村表曰漫莊田居  
五十年而終見吳郡志及姑蘇志嘗與施宿注  
蘇詩陸放翁序所謂助以顧君景繁之貲治是  
也施宿紹熙四年進士其官會稽通判在嘉泰  
中刻蘇詩于淮東倉司因而被劾又在官會稽  
後禧與宿同注蘇詩開禧嘉定中當尙在也紹

興壬午距嘉定壬申五十年至元二十九年距  
嘉定壬申八十年子元序云少侍景繁若在十  
歲以內作序時尙未到九十也行省非宋官名  
或後人傳抄沿元官名而誤

沈忠敏公龜溪集十二卷

明刊本

**宋沈與求撰**

元樞忠敏沈公當建炎紹興間被遇思陵爲耳  
目股肱其勳業在朝廷其聲名在天下其風節  
挺挺特立號稱名臣蓋中興人物之冠冕吾鄉  
里之光寵也紹興三年由吏部尙書奉祠歸里

門伯氏桐廬丞彥衡字元規自公在憲府實客館下與其諸子游雅相好也時彥穎年十有五學於伯氏早暮見公來館舍相對無雜語論文說詩聲響不倦尤喜論體製格律源流所自不務苟作每從旁竊聞之則知所折慕焉時方亂定才大夫士游居郡邑者以十數相與賡唱爲娛樂篇章流傳得輒誦記若其它文藁伯氏又能收拾藏于家得以時時覽觀顧方爲童子雕篆之習它未暇學莫獲拜下風而請焉而公益嘗辱撫憐之曰是子可教也未幾詔起公鎮京

口召還仍爲天官掌內制遂持鈞樞位貌殊絕  
無所窺尋其聲光已剗聞君薨于位矣年甫五  
十二家在故里旁無壯子弟平生著述文字故  
多散落或爲親黨取去此得於所聞者如此而  
吾伯氏亦且下世諸子都未省事凡得公手筆  
起草與所抄錄在紙者皆亡之雖往還尺牘無  
留者惜哉後六十年當紹熙辛亥公之孫詵爲  
浙漕始能裒輯類次爲十二卷將以板行於世  
蓋其家所存止是矣以序見屬念自少小知敬  
重公今甲子一終旣篤老矣撫往念舊安能無

慨然也公英邁絕人早以翰墨知名歷三院御史中執法排姦擊邪風采峻厲觀所作中丞謝表有曰本之以忠厚愛物之誠加之以正直事君之道故嘗爲之言曰此御史箴也或謂公在臺中論議少恕是何足以識公之用心視草禁林得代言體親征詔書凡四方聽聞之者莫不感動流涕庶幾乎奉天之作此特私愛味之故云爾初衣冠南渡一時能言之士眾矣當其時儕流之所推稱學者之所宗仰如公者屈指幾人而後來或未之詳也傳世行遠其始自今公

爲不亡矣公諱與求字必先其立朝出處之大  
節固載之史官獨始初親見之幸夙昔願學之  
私因得自見於此十一月幾望觀文殿學士宜  
奉大夫致仕吳興李彥穎序

叔椿少時聞龜溪先生以文鳴當世及長從搢  
紳賢士游又聞以直道結主知以盛名諧人望  
由是厯霜臺冠常伯兼翰苑兩總天官進參機  
務再秉事樞崇論宏議鴻文大冊天下傳而誦  
之謂盧楊燕許復出矣叔椿每得一篇笥而藏  
之如獲至寶每以不及全見斯文爲恨淳熙紀



號之三襖參政姚公以天子大臣來守泉越數  
月政清訟簡出龜溪所爲文十二卷命叔椿爲  
之讎正玩味不能釋手留月餘始克歸其書又  
俾爲之敘竊喜附名不朽有榮耀焉乃不辭而  
承公命嘗觀皇朝晏元獻公被遇仁宗而富文  
忠公繼登揆路冰清玉潤勳業宏茂載在史冊  
後世歆艶邇谿公丈人行也其名德相望前後  
輝映又能集其文而流布之益昭述作之懿顧  
不韙歟先生諱與求字必先仕至知樞密院事  
紹興七年六月薨于位若平生出處之大方則

有給事劉公一止狀其行事爲詳茲不復列四  
年三月一日從事郎兗州學教授永嘉張叔楮  
序

十六代孫子木序

萬歷庚子

枿欄先生文集二十五卷

明刊本

李蒼葦舊藏

宋承事郎守左正言主管江州太平觀賜緋魚

袋鄧肅忠宏撰

胡瓊序

正德己卯

林孜序

正德己卯

案王明清揮塵錄稱肅有枿欄文集三十卷

四庫所收只十六卷此本二十五卷當是宋時  
原本而缺五卷耳

栴檀先生文集二十五卷

明刊本

宋承事郎左正言主管江州太平觀賜緋魚袋  
鄧肅忠宏撰

胡瓊序

正德己卯

林孜序

正德己卯

鄱陽集四卷

文淵閣傳抄本

宋洪皓撰

先君以建炎己酉出疆時年四十有二矣平生

者書多悉留檣李庚戌之春厄于兵燼無一存者紹興癸亥還朝入直玉堂不旬日領鄉郡去明年而遭祖母之喪服除未幾有嶺表之謫杜門避謗不敢復爲文章謫九年而卽世故手澤之藏于家者唯北方所作詩文數百篇謹彙而敘之以爲十卷刻諸新安郡未彙次者猶有春秋紀詠千篇云

澹齋集十八卷

文淵閣傳抄本

宋李流謙撰

草齋集十二卷附玉瀾集一卷

元刊本

宋新安朱松喬年撰玉瀾集新安朱棹逢年撰  
文章之工拙繫乎人時命之通塞存乎天天人  
之適相合也爲甚難是以古今負文章之名者  
未必得貴仕而都公卿之位者又未必以文章  
顯也故吏部員外郎韋齋先生朱公建炎紹興  
間詩聲滿天下一時名公鉅卿交口稱荐詞人  
墨客傳寫諷誦如不及予少時學詩嘗以作詩  
之要扣公公不以輩晚遇我而許從游間宿于  
閩部憲臺從事官舍之東軒夜對榻語蟬聯不  
休比晨起則積雨初霽西風淒然公因爲予舉

簡齋開門知有兩老樹半身濕及韋蘇州諸生  
時列坐其愛風滿林之句且言古之詩人貴衝  
口直致蓋與彭澤把菊東籬下悠然見南山同  
一關樞三人者出處窮達雖不同誦此詩則可  
見其人之蕭散清遠此殆太史公所謂難與俗  
人言者予時心開神會自是始知爲詩之趣別  
去未幾而公下世予幾爲詩以哭公因求其遺  
編伏而讀之愛其高遠而幽潔其文溫婉而典  
裁至表疏書奏又皆中於理而切事情迺喟然  
歎曰公之於詩文可謂至矣今世能言之士非

不多也然淺則及俚華則少寔是無他徒從事於末而不知其本之過也公幼小喜讀書綴文冠而擢第未嘗一日捨筆硯年二十七入間河南二程先生之遺論皆先賢未發之奧始捐舊習朝夕從事於其間既而所得益深故發於詩文自然臻此非有意於求其工也使其得通顯於朝廷施諸潤色而見於事業必有大過絕人者不幸位不媿德雖兩入東觀三爲尙書郎卒不得以其所長發舒又不得年而沒天人之難合也如此可不太息也哉雖然人定亦能勝天

故公之嗣子今南康太守喜能紹公之訓早踐  
世科而益篤志于伊洛之學安貧守道深山窮  
谷之中者三十餘年明天子用寵嘉之卽其家  
拜二千石君懇辭不獲命強起視郡事逾年而  
政成頌簡一旦走介二千里書抵予曰憲先人  
遺文江西遂將刊行而未有序引冠篇首先友  
盡矣不孤之惠誠有望於門下敢以爲請予覽  
書悚然追思東軒之集恍如隔世而緒言歷歷  
猶在公墓之木旣拱而予蒼顏色髮摧然其亦  
老矣愴歲月之不留懷餘年其無幾爲之感慨



不寐者通夕而病憊廢書筆力衰退文不逮意  
獨念自少至老游南康父子間爲最久相知爲  
最深得其父子之賢爲悉故不敢以不能爲辭  
若夫公之詩文自足以行後而傳遠豈待區區  
之鄙言顧予蚤歲承誨迨老無所成適得挂名  
集端以託不朽其愧且幸爲何如哉公名松字  
喬年韋齋蓋自號云清熙七年夏四月旣望河  
陽傅自得序

韋齋集十二卷宋吏部員外郎新安朱公喬年  
之詩文也河內傅安道爲之序云公嗣子南康

太守刻諸江西者也而未始見之蓋其版本亡矣旌德新學告成之明年性遣校官袁祥求書新安時吳郡干文傳守婺源廬陵曹汝舟爲之賓佐性因寓書婺源曰朱文公之書在天下所謂家傳而人誦之矣獨韋齋集四方罕見婺源文公故里也必有藏此書者其爲我購求之汝舟以書來報曰干侯之治婺源也文公故宅其先墓之爲豪右所奪者侯皆取而歸諸朱氏矣仍俾遠孫之居建安曰勳者來掌祠事勳以韋齋集爲侯獻侯聞子之求書也亟以相授之

其有以廣侯之意乎性受書歎曰侯以州政最  
江東至於修復朱子祠宇墳墓則非吏之所  
能爲者而爲之者惟侯能也而又不鄙我旌德  
之人士幸惠茲文性不佞敢不承命乃爲繕寫  
刻之學宮竊惟孔孟之道至程子而復明至朱  
子而大明夫人有一行之善一藝之美未有不  
本於父兄師友者而況於道有以參天下之運  
學有以紹前聖之統者乎程太中能知周子故  
二程之學繼孟氏韋齋友延平故朱子之學  
繼程氏則韋齋之書學者可不學乎竊窺韋齋

篤志於伊洛之學其視游楊羅李孰敢議其先後若文詞字畫又於荆公蘇黃皆取法焉豈不以學之大有既推原探本而極其端矣至於曲藝小伎亦莫不有理而盡其心焉不專一門而惟是之從也文公集群儒之大成紹周程之正統而於熙甯元祐諸公之是非得失則未嘗有所偏主焉豈亦本於家學而然歟記曰三王之祭川也先河而後海或源也或委也此之謂矣故書于篇目之末以就正於婺源云侯字壽道延祐初進士高第累厯州縣所至有風績汝舟

字德川以諸生推擇爲吏性同郡相好也至元三年丁丑五月五日後學廬陵劉性謹書

玉瀾集跋曰英偉豪傑之士生必有所自來故其亡也決不泯泯與草木俱腐觀玉瀾先生之集顧不異哉夫得則喜失則悲有所不平則怨刺此詩人之情也惟深於道者不然無人而不自得先生近之先生少有軼才自負其長不肯隨俗俯仰厄窮蹉跎有人所難堪而其節愈厲其氣益高其詩閒暇略不見悲傷憔悴之態其視富貴利達真糝糠土苴爾春風一篇雍容廣

大有聖門舞雩氣象感事三篇慨然見經世之志自作挽歌詞齊得喪一死生直欲友淵明於千秋至所謂自我識興廢於天無怨尤非深於道者如是乎嗚呼以先生之才使其作爲聲詩荐之郊廟發其所蘊措諸事業何愧古人百不一售使後世所以知公者獨此數十詩而已悲夫先生有兄曰韋齋白首郎潛不究大用人以爲恨其詩凌厲高古有建安七子之風韋齋之子南康使君今又以道學倡其詩源遠而流長信矣哉洎熙辛丑仲春望日梁谿尤袤敬跋

案此元刊元印本每葉二十行每行二十字卷中有鹿原林氏藏書朱文方印韓絢臣曾經校藏朱文長印是書曾藏蔣絢臣家朱文方印案鹿原林估自號也

陵陽先生詩四卷

舊抄本

葉林宗舊藏

**宋**中書舍人韓駒子蒼撰

葉氏手跋曰西江派圖二十五人陵陽先生其一也其詩實不及后山特於西江惡習亦可湔染是乃力薄非學深也備之以見派中一家耳  
乾隆乙未重五日西 識

馬氏跋曰右陵陽先生詩集四卷計八十三紙  
虞山馬士弘任卿父爲友人震澤葉林宗奕抄  
就已丑歲長至前一日志于南沙鄉葉氏之寶  
稼軒

陵陽先生詩四卷

舊抄本

曹倦圃舊藏

**宋**中書舍人韓駒子蒼撰

雲溪集十二卷

文淵閣傳抄本

宋郭印撰





前宋樓藏書志卷八十二

存齋雜纂之六

歸安陸心源剛甫編

集部

別集類十六

盧溪先生文集五十卷

明刊本

**宋**左承奉郎直敷文閣主管台州崇道觀王庭

珪民瞻**撰**門人劉江編 前有行狀 周必大撰墓誌

胡銓撰 後有脫葉二葉

李杜詩多於文韓柳文多於詩世之不知者便謂多者爲所長少者爲所短此殆拘牽之論而

非園機之士夫賢哲之於世學以爲主用之則行其發而爲言有所謂不得已者其將激於中而發於外者乎卽是而爲詩卽是而爲文文卽無韻之詩詩卽有韻之文所以三百篇之美刺卽十二公之褒貶蓋本一致如此則李杜可名長於文韓柳可名長於詩又奚可以一偏觀邪盧溪先生王公民瞻江鄉大手以詩文馳聲者蓋六七十年其少時志尙已高視功業如拾芥旣齟齬則發而見諸紙上皎如日星鏗如金玉芳如芝蘭浩如江河自然有一種奇趣他人之

所勉強而公則信手拈來渾然天成公亦非有心於此是乃所謂激於中而發於外者其詩之多於文非此長而彼短也儒林於詩久以厭厭而文乃未廣有友劉江伯深慨然編集詩也文也相與並行于世然後公之所以無窮者不遺矣書銘記序諸篇嚴厲有法而上皇帝書并盜賊兩論其經綸宏傑不減陸贄杜牧豈徒文而已哉伯深欲余爲序余喜伯深之識而不可默也書而冠其篇首淳熙丁未臘月甲申朝奉郎試右諫議大夫謝諤書

昔人以文章比珠玉六經言珠玉多矣然易不  
過乾鼎之卦詩不過頊佩六珈衡琚瑀書不過  
璿璣玉衡螭珠璆琳琅玕天球而已春秋不過  
寶玉龍輔剝圭紀瓊玉鬯佩藻而已唯戴紀周  
官之書言之爲詳且悉有以璧爲貴者如穀璧  
蒲璧蒼璧圭璧加璧之類有以圭爲貴者如土  
圭鎮圭桓圭信圭躬圭青圭琢圭珍圭駟圭琬  
圭琰圭裸圭穀圭端圭白圭廣圭大圭之類有  
以玉爲貴者如玉敦玉盥玉帛玉爵玉几玉豆  
玉卣玉斚玉璜玉簋玉琫玉璫玉璣玉璫玉斚  
玉斚

玉戚玉鎮之類又如服玉佩玉裸玉蒼玉赤玉  
白玉玄玉瑜玉嘉玉之類有以璋爲貴者赤璋  
琢璋圭璋牙璋駟璋大璋邊璋中璋之類有以  
璜爲貴者如玄璜琥璜大璜夏后氏之璜之類  
有以多爲貴者如兩敦兩圭四璉四圭六瑞六  
瑚弁十有二玉璫十有二旒之類有以璫爲貴  
者如玉璫璋璫圭璫之類有以奇爲貴者如山  
玄水蒼瑤玟衡牙衡筭鬱鬯不琢有邸璧羨渠  
眉之類有以大爲貴者如大圭大璋大璜之類  
有以長爲貴者如信圭躬圭穀圭邊璋七寸璪

璋圭璋八寸桓圭琬圭琿圭璧琮大璋中璋九寸鎮圭裸圭四圭尺有二寸土圭尺有五寸大圭長三尺之類又有五德焉潤澤以溫仁之方也鰓理自外可以和中義之方也其聲舒長知之方也不撓而折勇之方也銳而不技潔之方也又有十一德焉溫潤而澤仁也縝密以栗知也廉而不剝義也垂之如隊禮也扣之其聲清越以長樂也瑕不揜瑜瑜不揜瑕忠也孚尹旁達信也氣如白虹天也精神見於山川地也圭璋特達德也天下莫不貴者道也嗚呼珠玉之

可貴如此而以文章空言配之不已誇乎盧溪  
先生以明經中科而患不達落落與時左凡憂  
悲愉佚窘窮喜怒思慕怨恨無聊不平有感于  
懷必于詩文發之紹興壬戌秋銓坐不肯與醜  
虜和議且乞斬主議大臣二人鐫爵削竄嶺表  
先生送行詩有云名高北斗星辰上身落南州  
瘴癘間人爭傳誦至達權臣耳奏下江西帥司  
鞫治久之竄辰州時紹興己巳秋七月壬午也  
先生貶八年會權臣薨得旨自便先生思益苦  
語益工蓋如杜子美到夔府後詩韓退之潮陽



歸後文也人得其片言隻字寶藏十革雖玉府  
所謂珠盤玉敦未足爲珍由是觀之以文章比  
珠玉未足過論先生自隆興癸未至乾道辛卯  
凡兩賜對對必坐免拜玉旨諄諄問勞款款退  
則賜茗藥束帛不貲書生之榮至矣銓頃于榻  
前論先生人物云雖老宰相材也蓋用狄梁公  
荐張柬之語上不以爲過然則上之知先生深  
矣倘未死其見用于時殆未易量也乾道壬辰  
六月長沙布衣劉君光祖與其弟紹祖寓書安  
成彭君叔夏走千餘里抵廬陵乞爲先生集序

固辭弗獲遂書以畀叔夏先生姓王名庭珪字  
民瞻云敷文閣直學士降授左通直郎提舉江  
州太平興國宮廬陵縣開國男食邑三百戶賜  
紫金魚袋胡銓序

紹興八年故資政殿學士胡公以言事忤時相  
黜又四年謫嶺表廬溪先生以詩送其行有癡  
兒不了公家事之句小人飛語告之時相怒除  
名流夜郎時先生年七十矣于是先生詩名一  
日滿天下里之士愛先生者謂詩之禍從古昭  
昭也先生不戒又欣然犯之適以濟權臣之威

成小人之名此先生之禍也亦先生之過也或曰先生何過哉先生言直而詩工耳言不直詩不工世無傳也世有傳矣不見媚于明必見媚于幽故庭草隨意之詩空梁燕泥之詩飛燕昭陽之詩不才多病之詩言非直也詩工而已耳詩工而言非直猶且小者逐大者死況先生之詩工而言直耶先生何過哉濟權臣之威亦稔其惡先生成小人之名未若小人成先生之名先生何過哉未幾時相殂先生得歸又未幾上踐阼仍召除國子監簿再召除直敷文閣年踰

九十耳目聰明賦詩作文不見老人摧頹之氣  
朝廷想聞其風天下傳誦其詩禍先生者何知  
其非福先生者乎嗟乎天人之理其紊也或勝  
之其定也或正之不觀其定而觀其紊則古之  
聖賢厄于小人者皆過也獨先生之過也乎先  
生王氏諱庭珪字民瞻登政和八年第調茶陵  
丞與上官不合棄官去隱居廬溪者五十年自  
號廬溪眞逸少嘗見曹子方傳詩法蓋其詩自  
少陵出其文自昌黎出大要主于雄剛渾大云  
清江劉清之子澄評先生之文謂廬陵自六一

之後惟先生可繼聞者慙焉先生之孫澹及曾  
孫澈及其門人劉江銓次先生之詩文凡五十  
卷將刻棗以傳而太守朱公子淵復刻其詩于  
郡齋澹屬萬里序之萬里嘗侍先生之杖履聞  
先生之誨言者欲辭敢哉痛熙戊申九月晦日  
門人朝奉大夫新知筠州軍州事楊萬里序

鄧黻跋

嘉靖五年

廬溪先生文集五十卷

舊抄本

**宋**

左承奉郎直敷文閣主管台州崇道觀王庭

珪民瞻

**撰**

門人劉江編

前有行狀

周必大撰墓誌

胡銓 撰 後有脫藁二頁

謝諤 序 宣熙丁未

胡銓 序

楊萬里 序 宣熙戊申

屏山集二十卷 明刊本

宋文靖公劉子翬著 前有墓表 朱子 謚議 張

撰 覆議 鄭起 潛撰

朱子 序 乾道庚戌

北海集四十六卷附錄三卷 文淵閣傳抄本

宋棣崇禮 撰

鴻慶居士文集四十二卷

舊抄本

吳尺鳧舊藏

**宋** 晉陵孫覲仲益撰

周必大序

慶元五年

南蘭陵孫尚書大全集七十卷

舊抄本

馬笏齋舊藏

**宋** 孫覲撰

案覲宋史藝文志祇載鴻慶居士集四十二卷

此七十卷本惟張氏藏書志著于錄爲王文恪

舊藏此書又從王氏本傳錄有馬玉堂印笏齋

兩方印漢唐齋長印趙希弁讀書附志孫尚書

大全集五十七卷恐七十卷之訛

孫尚書大全文集殘本三十三卷

影寫宋刊本

**宋孫覲撰**

黃氏手跋曰此殘宋刻本孫尚書大全文集斷  
存三十三卷卽趙希弁讀書附志所云孫尚書  
大全集五十七卷本也外間傳布頗少余借諸  
周丈香巖處用舊紙委門僕張泰影摹兩匝月  
而竣事藏諸讀未見書齋居然影宋鈔本矣雖  
不及毛鈔之精而一時好事之所爲以視汲古  
閣中入門僮僕盡鈔書者其風致何多讓焉嘉  
慶甲子六月八日堯翁黃丕烈



孫尚書內簡尺牘編註十卷 明刊本 文伯仁舊藏

宋左朝奉郎充龍圖閣待制戶部尚書孫覿仲

益著門人學士呂祖堯註

松庵集六卷

文淵閣傳抄本

**宋李處權撰**

處權未冠始學詩於先君一日謂處權曰三百篇詩之祖也六義存也至六月序篇卒之以小雅盡廢則四夷交侵中國微矣詩之道豈小補哉小子識之處權再拜服膺而退旣冠歸洛則又學詩於鄉先生段處厚約亦一日謂處權曰

昌黎公作荐士詩序詩之高下得失裁不一畫  
焉而神曠焉而章筆焉而信歌詠焉而莊皆以  
自然之天錯綜經緯而萬物之變形焉非特不  
能不爲之亦莫之爲而爲之也然則文妙物也  
以變故奇烟雲杳靄之有無江濤出沒之恍惚  
魚鳥飛潛之下上晦冥朝暮姿態呈豁愈變而  
愈無窮茲亦奇已而文之爲物實與之俱爰自  
鴻荒以還亦至矣盡矣不可以加矣學者當於  
此求外此非吾所知也處權敬佩書紳于今不  
忘處權固陋既不敢墜先君之訓又不敢負段

丈之教雖羈旅鞍馬疾病呻吟拳拳之思終在  
是也昔人所謂瞑目知深搜吻動覺苦思與夫  
鉤章棘句月銀季鍊者自謂有焉五十年間作  
古賦五古詩三百律詩一千二百雜文二百長  
短句一百平生之力盡於此矣不自知其不可  
也異時陽翟陳叔易恬嘗語孫正夫端曰恬歸  
自岷峨行六千里復見中州知舊其氣不衰文  
益進者李巽伯而已汪內相藻彥章程紫微俱  
致道皆極力推稱口之不置故一時名流勝士  
龕然相與衛守張巨山嶠嘗遺處權書云近朱

希眞報巽伯寄示夢歸古賦文采不減兩漢字  
畫遠追晉宋當今第一流也公有此客顧不佳  
哉處權繇是稍得自信而其志益確不知老之  
已至身世皆寓於其中而未始語人亦難以世  
俗道也暇日拾掇次第粗成編綴名之曰崧庵  
集後日有能敦義愛半夜走緘書俾作者序而  
傳之耶或謂玄尚白用覆醬瓿耶則不敢知也  
紹興二十有四年歲在癸酉二月旦日崧庵情  
夫李處權跋

少陵句法出審言豫章句法出亞夫有唐若我

宋詩人莫可居二老先蓋其祖考源流所由來  
遠世父萊陽府君少承家學尤刻苦於詩建中  
靖國間送張芸叟帥中山三十韻有孝

羊

棗嘉言問凍梨之句浮休撫几嗟賞以謂發語  
渾厚託意微婉可爲後學模範自是名重京洛  
爲郎拜州汨汨舊轍晚節益不偶至於廢放流  
離度隴蜀入涪陵逮還故官北歸下瞿塘灩澦  
泛大江沂淮汴多歷奇嶮益昌其詩崧庵兄世  
父仲子也人物高秀山立玉舉世父愛之早付  
以衣鉢在政宣時與陳叔易朱希真皆以詩名

中更兵火奔迸遇物托興亦未嘗一日廢紹興  
甲子而後齒益高家益貧用心益苦句法益老  
始與少作不類暮年頗艱出故不多見噫詩果  
能窮人抑窮而後工耶審如是則詩固人所忌  
也紹興己巳余與兄合并於武林者逾月將行  
飲餞浙江上臨分哽噎不忍別且道家世斯文  
之屬後六年兄歿于荊州蓋不復再見矣諸子  
流落湖外遺編斷稿多爲喜吟咏者持去心常  
憊焉陳君安民惠伯調官中都因過余涇陽暇  
日語長沙佳士有劉氏伯仲廬陵人自其先世

喜與賢士大夫遊兄建炎末避地客其家其調  
護甚至舊所藏詩文頗多或者久假而不歸每  
恨不及鈐版與吾人共之因哀輯少日所記與  
十數年來摭拾得之於親舊間者四百餘篇俾  
惠伯使歸諸劉氏以滿其好事樂善之意兄嘗  
自敘作詩本末獨幸偶存較之今所亡者甚夥  
而先後亦失次矣異時復有得焉當爲別集處  
全行年五十而學益落雖嘔出肺肝望古人地  
位終不能到一燈弗焰愧負識別慨然雪涕書  
所欲言不文奚辭也清熙六年歲在己亥八月

望日弟處全謹跋

文之由來尙矣世去古遠人不克聖而物之  
華不可以終祕梁臺之選吳興之粹蟬鳴馬奕  
代有作者燦然珠琲之溢目冷然笙簫之入耳  
也源派雖殊終會于一至於枚別諸家錄考殿  
最若十指然其短長洪纖卒不可得齊豈人之  
有能否抑其習有工拙與建安七子時有所取  
李杜文章羣兒謗焉要以其全者責之故難也  
雖然不更三聖無以見集成之大不厯三變無  
以知一出於正者之爲粹然我朝當五季之橫



流質窮弗反承乾棟絕坤維推陷廓清之功與  
文俱高崑體雖張不能扼其駕使勿馳也於是  
穆伯長尹師魯歐陽永叔輩爲之導流揚波而  
古文篇章始得助而中興列聖相承重熙累盛  
先正李公淑以文章鳴爲時宗主高文大冊煉  
石五色天下謂之邯鄲家雲來初昆世載其德  
不墜至崧庵乃復以其餘力遊戲翰墨之塲輩  
行推高表表愈偉而其富且特出者最見於古  
律詩滄淡典雅一唱三歎如融怡帝鄉日浩蕩  
天街春則鎬京  
作也相逢便論心已別

更回首則伐木故

將太古意一洗萬

境寂寞足以見其文之不  
作如杜子美穿花  
點水等句姑將置之不肯一吐其自序以三百  
篇爲家傳之懿決非貌得之端公旣標識其次  
而綴語編末不鄙命予予爲述文章之妙雖選  
粹所集尠有得其全者獨我朝之盛庶幾焉耳  
矣每歎前輩之於家學守彌謹如義獻書如班  
馬氏史如專門名家經如世將用兵行師法其  
率履不越至如此端公方以盛名頡頏斯世每  
一語出意外驚人是能其家者今將恢壯圖挽

前牙楊肅言志 卷八十二 三  
洪流鋪張潤色以復我祖宗之舊而挈之唐虞  
三代之上斯文之責實於此乎在時宋淳熙庚  
子東陽邵驥跋

豫章羅先生文集十七卷

明刊本

**宋羅從彥著**

先生著述最多兵火之餘僅存什一於千百世  
所其見者郡人許源所刊遺藁五卷而已道振  
不揆淺陋嘗欲搜訪爲文集其年月可攷則繫  
以爲年譜久之弗就邑人吳紹宗蓋嘗有志於  
是近得其藁乃加敘次釐爲一十三卷附錄三

卷外集一卷年譜一卷凡一十八卷先生五世孫天澤遂錄梓以壽其傳因識其梗槩于此若夫訂其誤而補其遺不無望於君子也至正三年歲在癸未二月甲子延平沙邑曹道振謹識

張泰序

成化八年

案目錄後有刻板八十三片上二帙一百六十一葉繡梓工資二十四兩木記

和靖尹先生文集十卷附錄一卷

明刊本

宋尹焞撰

蔡宗充序

嘉靖九年

洪珠後序

嘉靖庚寅

和靖尹先生文集十卷

舊抄本

宋尹焞撰

蔡宗充序

嘉靖九年

洪珠後序

嘉靖庚寅

著作王先生集八卷

舊抄本

宋王頌撰

憲紹興癸酉間獲供酒掃於中書舍人呂公之

門公教人大要明是非邪正進退出處辭受取

與之義而躬行以盡其性所言備載童蒙訓春

秋說故不復錄公疾日漸乃以書荐于著作王  
先生曰周憲秀才朴茂可喜有志斯道當自蒙  
與進未果行而公啟手足公之門弟文清曾公  
文又以書申公之意且勉其行受業二年歸見  
文清公于上饒首命以記錄所聞先生之言憲  
切意先生進將覺斯人退且著之書故未敢私  
有所論撰先生旣沒道統精微私淑諸人世或  
未知迄今垂三十年念平昔所聞遺忘多矣因  
追其緒言一二以示同志乾道壬辰二月甲子  
信州周憲書

逮昔者獲從先生於毗陵震澤嘗問師友之道  
先生曰師不專在傳授友不專在講習于精神  
氣貌之間自有激發處是爲善親師友者逮謹  
識之因觀鄉黨一篇所記周旋從容而已然後  
知羣弟子所以事夫子用是道也先生今歿久  
矣周子自上饒來出一編以示皆其緒言有益  
于後學者顧恐徒觀其言而不觀其所以言則  
于道益遠因以所聞于先生者書之卷末嘗試  
以是觀之則先生之精神氣貌雖千載粹然有  
生氣乾道八年壬辰五月六日魯郡曾逮謹序

右震澤 善錄著作王先生平昔與門人答問  
辭也先生文集頃已刊之郡庠今復得此遺言  
於先生之子郡丞大本謹併刻之以示後學云  
淳熙三年丙子仲冬十有二日蘄春假守施溫  
舒謹識

祝允明後序

弘治

岳集五卷

明刊本

**宋岳飛撰**

徐階序

嘉靖丙申

張庭序



焦煜序

東溪先生集二卷附錄一卷 明刊本 孫淵如舊藏

**宋高登撰**

林希序

嘉靖丙戌

黃直後序

雪溪詩五卷

舊抄本

勞季言校

**宋**穎人王鉉著

王氏手跋曰鉉最有名譽其詩亦鮮合作卷中發石牛一絕句云松竹陰中山未盡梅花林外有行人予甚愛之耳康熙己巳除夕王士禛阮

亭書

書錄解題曰雪溪集略八卷汝陰王鉉性之撰  
鉉國初周易博士昭素之後也其父萃樂道嘗  
從歐公學鉉爲曾紆壻嘗撰七朝國史紹興初  
嘗同子正薦之詔視科史官給札奏御會秦氏  
柄國中止書竟不傳其子明清著揮麈錄按今  
集止五卷蓋不完之書也

雪溪詩五卷

舊抄本

**宋**穎人王鉉撰

宋陳少陽先生文集十卷

明刊本

宋丹陽陳東少陽著

歐陽先生飄然集七卷 舊抄本

**宋**西者歐陽徹德明撰

夫子有言人之生也直罔之生也幸而免又曰  
斯民也三代之所以直道而行也嗚呼人稟天  
地之靈則與生俱生者直而已矣反之而縮養  
之而無害浩然之氣無所往而不自得焉至其  
疾邪忿世殺身成仁謂非同歸一揆不可也世  
道有隆汙風俗有振靡惟天地之正氣未嘗不  
流通於人心於是可見天地之心矣崇觀政

宣以來直氣衰絕馴至靖康而陳歐二君奮焉  
而興今觀其策所願行者皆天下之其欲也所  
願去者皆天下之其惡也夫然後知直氣之在  
天地間故未始衰且絕也其幸而祥風慶雲充  
塞宇宙其不幸而嚴霜凍雹摧拉艸木抑亦偶  
其所逢而於元氣之初果何尤哉二君之生雖  
罹酷濫于誤國之奸臣二君之死旋被褒榮於  
悔過之聖主名節凜凜又將與天地相爲終始  
矣陳君言論風旨調攝當時傳于故府足以不  
朽歐陽君慷慨激烈孤黨豪邁而其遺文獨未

百  
卷  
一  
二  
概見余來佐旆實君之鄉得其靖康所上三書  
及詩文百餘首輯爲一編釐爲六卷刻而布之  
俾與陳君並駕齊驅以不孤中興偕命之詔蓋  
聞南都之禍陳君從容區處泰若平日人或以  
爲二君優劣之辨嗟夫陳君處六館知朝廷之  
政詳故其言雖深切而皆中時務伏闕紛紜分  
死久矣歐陽君僻在江右起于疏賤不勝忠憤  
故其言尤峭直而容有未審忽忽斧鉞不能歸  
葬尙忍以優劣議哉昔張巡固守睢陽以蔽江  
淮厥功茂矣豪家子弟猶不相知由今觀之巡

信忠矣遠將不得爲忠臣乎論二君者蓋有質于斯時嘉定甲申歲重午日會稽胡衍序

蘆川歸來集十卷

文瀾閣傳抄本

宋張元幹撰

士君子處世不以富貴貧賤累其心者其所養可知也所養既厚則所言者必勁正清峭而無輕懦衰憊之氣前哲之士以文詞鳴者此也孟子曰我知言我善養吾浩然之氣孟子之知言自其所養者充之也韓子曰氣水也言浮物也水火而物之浮者大小畢浮韓子所學獨以孟

子之傳得其宗者蓋謂是也故直而不倨曲而  
不屈孟子之書可與風雅並傳而汗濶卓焯齋  
法澄深李氏之以大振頽風序韓文後之學者  
蔑以加于此矣蘆川老隱之爲文也蓋得江西  
師友之傳其氣之所養實與孟韓同一本也自  
其爲太學生也嘗哀其亡友康愨生詩帖軸而  
藏之則公之氣概固已蜚揚於學校中矣及其  
仕於朝也又以幽巖尊師一節直述其忠厚惻  
惻之誠公之孝友性成皆是氣之所形見也宣  
和諸公或言其近作殊有老成之風無復少年

書生之氣或言其平昔絕俗之文今又見高世之行是猶未覩其全集也公以強仕之年遂掛冠之請茲蓋不以富貴貧賤累其心者所養者大所言者真表裏相符聲實相應夫豈嘲風咏月者所可同日語宜乎近世名公勉其孫以文集行於世欲以見公之大節也卽公之文驗公之行其作也古其傳也宜噩里人也敬慕三張之聲價久矣館寓家塾後得斂衽以受教於公之文集凡稟集書啟古詩律詩贊序等作共十五卷幽巖尊祖錄一卷附于其後樂府二卷見



百外卷所書云  
子別集於是乎有攷焉公諱元幹字仲宗任將  
作少監年方四十一已致仕後贈正議大夫邑  
人留靈序

無名氏序曰少監張公早歲問道於了齋先生  
學詩於東湖居士凡所游從皆名公勝流年未  
強仕掛神武冠徜徉泉石浮湛詩酒又喜作長  
短句其憂國愛君之心憤世嫉邪之氣間寓於  
歌詠紹興議和今端明胡公銓上書請劔欲斬  
議者得罪權臣竄謫嶺海平生親黨避嫌畏禍  
唯恐去之不速公作長短句送之微而顯哀而

不傷深得三百篇諷刺之義非若後世靡麗之  
詞狎邪之語適足勸淫不可以訓公博覽羣書  
尤好韓集杜詩手之不釋故文詞雅健氣格豪  
邁有唐人風公之子靖哀公長短句篇屬爲序  
余晚出恨不及見前輩然誦公詩文久矣竊載  
名于右因請以送別之詞冠諸篇首庶幾後之  
人嘗鼎一臠知公此詞不爲無補于世又豈與  
柳晏輩爭衡哉公諱元幹字仲宗自號蘆川居  
士云

東萊先生詩集二十卷

精抄本

**宋**呂本中居仁撰

陸游序

慶元二年

文集莫盛于唐亦莫盛于本朝唐則韓退之柳  
子厚本朝則歐陽文忠公實爲之冠是數公固  
出類拔萃巍巍乎不可尙已編次而行于世退  
之則李漢子厚則夢得文忠公則東坡先生或  
其門人或其故舊又皆與數公深相知蓋知之  
不深則歲月先後是非去取往往顛倒錯亂不  
可以傳近世張文潛秦少游之流其遺文例遭  
此患知與不知之異也東萊呂公居仁以詩名

一世使山谷老人在其推稱宜不在陳無已下  
然卽世多歷年所而編次者竟無人焉墨客詞  
人相視太息曰公所謂知吾者希則我者貴歟  
儀真沈公宗師名卿之子少卓犖有奇志方黨  
禁未解時不顧流俗專與元祐故家厚公尤知  
之往來酬唱最多沈公之子公雅以通家子弟  
從公游公稱之甚乾道初元幾就養吳郡時公  
雅自尙書郎擢守是邦暇日裒集公詩略無遺  
者次第歲月爲二十通錢板置之郡齋蓋公之  
知沈氏父子也深故公雅編次之也備幾亦受

知于公者也公雅用是屬幾題其後竊自伏念  
與公皆生于元豐甲子又相與有連雅相好也  
紹興辛亥幾避地柳州公在桂林是時年皆未  
五十公之詩固已獨步海內幾亦妄意學作詩  
公一日寄近詩來幾次其韻因作書請問句律  
公察我至誠教我甚至且曰和章固佳本中猶  
竊以爲少新意又曰詩卷熟讀治擇工夫已勝  
而波瀾尙未濶欲波瀾之闊須令規模宏放以  
涵養吾氣而後可規模旣大波瀾自濶少加治  
擇功已倍于古矣幾受而書諸紳今三十有六

年顧視少作多可愧悔既老且病無復新功而  
公之墓木拱矣觀遺文爲之絕歎因記公教我  
之言于篇末使後生知前輩相與情實如此且  
以見幾于公之言雖老不忘也乾道二年四月  
六日贛川曾幾題

東萊先生詩集二十卷 東洋影寫宋刊本

**宋**呂本中居仁撰

陸游序 慶元二年

曾幾跋 乾道二年